



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 136. Infelix Fausti Socini interitus.

[urn:nbn:de:hbz:466:1-67204](https://nbn-resolving.org/urn:nbn:de:hbz:466:1-67204)

raſis in priora capita Evangelii S. Joan-
 nis præter ſuum *mellificium historicum.* Sæc. XVII.
A. C. 1604.

§. CXXXVI.

Infelix Fausti Socini interitus.

Hoc item anno die tertia Martii blas-
 phemam evomuit animam Faustus *Sandius*
 Socinus, cujus infausto interitu, si *Bibl anti-*
 e- *trinit. p. 64.*
 jus quoque impietas erroresque interiif- *Vita Faust.*
 sent, felix nimium orbis esset. Hic *Socin.*
 Lælii Socini Nepos ac Alexandri &
 Agnetis Petrucciæ Filius anno Christi
 millesimo quingentesimo trigesimo nono
 die quinta Decembris Senis primam
 lucem aspexit; Primis juventutis suæ
 annis segniter admodum sese Studiis
 applicuit, ac nonnisi humaniores lite-
 ras, necnon Dialectices principia pri-
 moribus attigit labiis, satis tamen ido-
 neus ad imbibendos augendosque Pa-
 trui sui errores, quos ei sui affines tam
 liberaliter propinaverant, ut præcipuus
 Socinianæ hæresis Author evaderet,
 eum vero suis erroribus latius liberius-
 que propagandis obstaret Sacræ In-
 quisionis metus, Lugdunum in Fran-
 ciam secessit, quo tamen viginti annos
 natus comperto Patruis sui obitu Tigu-
 rum contendit, venenata ejusdem Scri-
 pta veluti opimam inferni hæreditatem
 sibi vendicaturus, inde in Italiam re-
 versus

Mm 2

versus

Sæc. XVII. A. C. 1604. versus per duodecim omnino annos in Etrusci Ducis aula hæsit, qua relicta anno Salutis nostræ millesimo quingentesimo septuagesimo quarto Basileæ profectus ibidem Theologiæ operam præstabat, eo fine, ut novam suam doctrinam, a Patruo haustam, quam sicut ceteri omnes hæresiarchæ sensim in suo cerebro maturius excoxerat, magis excoltam, ac sequacium numero insigniorem redderet. Evoluto triennio in Transylvaniam evocatus Georgium Blandatam, qui Christi Divinitatem pernegabat, contra Franciscum Davidis tuebatur, exiguo tamen hæresis suæ propagandæ proventu: quocirca sub annum Domini millesimum Septuagesimum primum in Poloniam secessit, Unitariæ factioni sese aggregaturus, a quibus tamen indigne repulsus est, eo quod in pluribus ab eis dissideret, suasque impietates incautius proderet: cum autem adversus Jacobum Palæologum suam lucubrationem *de Magistratu* edideret, seditiosa dogmata sparsisse accusatus Cracovia expellebatur, quo tamen reversus, suosque errores diffundere intentus, anno Christi millesimo quingentesimo nonagesimo octavo ingens vitæ periculum incurrebat; quippe Studiosi quidam in suum cubile irruentes eundem seminudum inter multa oppre-

opprobria ac verbera in publicam raptabant plateam, absdubio trucidandum, nisi ab accurrente quodam Cracoviensi Professore eorum manibus fuisset ereptus: postea vero in quodam oppido Cracovia novem leucis distito apud Abrahamum Blonsky delituit, ubi etiam anno ætatis suæ sexagesimo quinto periit.

Sæc. XVII.
A. C. 1604.

§. CXXXVII.

Ejusdem hæresiarchæ errores.

Tam periculosa erat Socini hæresis, ut ipsimet ejus Discipuli ac præprimis Gregorius Pauli gloriantur, quod Calvinus Romanæ Ecclesiæ muros, & Lutherus tectum, Socinus vero ipsa ejusdem fundamenta destruxerit; postquam enim Lutherus limites a S. Patribus positos movens, quascunque novitates pro suo arbitrio parturiverat, haud sollicitus, an suarum opinionum hostes vel Patronos, in veneranda antiquitate & communi Ecclesiæ sensu haberet, & Calvinus contempta Ecclesiæ, ac Traditionum autoritate effrænem quoscunque fidei articulos eliminandi licentiam invexerat, Socinus quoque horum Novatorum exemplo credendi libertatem sibi integram fore ratus, non modo Ecclesiæ Catholicæ